

LA USC DI LADINS - VENERDI' 13 DICEMBRE 2019

PROJEC

Rua endò Berlichete!

*En vender ai 20 de
dezember l'è n bel domesdi
de jeghes per i bec da
l'ultim an de scolina a la
terza populèra*

Rua endò Berlichete! No saede chi che l'è?? No ve resta auter che ve enscinuèr a la scomenzadiva endrezèda dai Servijes linguistics e culturèi del Comun general de Fascia inant da en lunesc ai 16 de dezember. Se trata de n bel apuntament per i bec da l'ultim an de scolina a la terza populèra per tor pèrt a jeghes e laboratorie creatives, per crescer ensema e stèr adum. La ativitèdes vegn metudes a jir ence chest'outa



Berlichete speta i bec per n domesdi de jeghes.

da la bezes espertes de didatica de Marameolab e vegn sport doi apuntamenc, da poder cerner un de chisc oraries: en vender ai 20 de dezember col grop 1 da les 14.00 a les 15.30 o col grop 2 da les 16.00 a les 17.30 te sala grana del Comun general de Fascia.

L'obietif de Berlichete, n pojet che fèsc pèrt del Pian organich de politica linguistica e culturèla, l'è chel de

smaorèr te Fascia i neves locutores tras percorsc gustegoi. L'arvejinament al lengaz de mendranza a na vida deletegola favoresc sie sparpagnament anter la neva generazions e la families.

A la fin del laboratorie i bec pel se portèr a cèsa ence n bel don.

La enscinuazions pel vegnir fates al numer de telefon 0462 764500 »opzion 4«.